

2 PITER (The Second Epistle General of Peter)

Lawk karouknae

¹ Kai Piter, Jisuh Khrih e guncei lah kaawm e ni maimae Cathut hoi rungngangkung Jisuh Khrih lannae lahoi kaimouh patetlah apu kaawm yuemnae katawonnaw koe ca na patawn awh.

² Cathut hoi maimae Bawipa Jisuh panuena, lungmanae hoi lungmawngnae teh nangmouh koevah pungdaw lawiseh.

Yuemnae dawk rounghae

³ Ama e bawilenna hoi ahawinae thungvah na ka kaw e Bawipa hah, maimouh ni panuena lahoi Bawipa dawk kaawm e bawilenna teh hringnae hoi cungtalah Cathut lawk dawk khosaknae pueng teh maimouh koe na poe toe.

⁴ Hottelaho, ka lentoe niteh aphukaawm e lawkkamnaw hah maimouh koe na poe toe. Bangkongtetpawiteh, hote lawkkamnaw hno lahoi nangmanaw ni talaivan takngainae dawkhoe na hlout awh vaiteh, Cathut counghae kahmawng e tami lah na o awh nahane doeh.

⁵ Hettelah kecu dawkvah nangmae yuemnae dawkvah hawinae, hawinae dawkvah lungangnae, lungangnae dawkvah mahoima kâcakuepnae,

6 mahoima kâcakuepnae dawkvah lungsawnae, lungsawnae dawkvah Cathut lawk dawkhosaknae,

7 Cathut lawk dawkhosaknae dawkvah hmaunawngaha lungkâpatawnae, hmaunawngaha lungkâpatawnae dawkvah lungpatawnae hah thahmei lahoi patuen kâthap sin awh.

8 Bangkongtetpawiteh, hete talen heh nangmouh dawka o vaiteh pungdaw pawiteh, Bawipa Jisuh Khrih panuenaedawka aphukaawm e tami, a paw kapaw e tami lah o awh han.

9 Hote talen ka tawn hoeh e taminaw teh, a mit ka dawn e lah ao. Yon thounsak lah ao tangcounghae hah a pahnim awh.

10 Hatdawkvah hmaunawngahanaw, nangmouh kawnae hoi rawinae hoe acak nahanelah, hoe panki awh. Bangkongtetpawiteh, hottelah na sak nah thungvah nâtuek hai lam na payon awh mahoe.

11 Hothloilah, maimae Bawipa hoi rungngangkung Jisuh Khrih e yungyoe uknaeram thungvah, kâen thainae kâ kakueplah na hmu awh han.

12 Hatdawkvah, nangmanaw ni hete akongnaw hah na panue awh teh nangmouh koe kaawm e lawkkatang dawka kacaklah na o awh eiteh, hotnaw hoi kâkuen lah nangmanaw pou na hroecoe hanelah pouknae ka tawn.

13 Hete ka tak rim dawka o nah yunglam teh hottelah kâhroecoenaela hoila nangmanaw na kâhlaw sak hanelah ka pouk.

14 Bangkongtetpawiteh, maimae Bawipa Jisuh

Khrih ni kai koe a pâpho e patetlah ka tak rim heh palang ka rading han toe tie ka panue.

¹⁵ Het talaivan hoi ka tâco hnukkhu hoi hai hete akongnaw pou na panue awh nahanelah ka panki han.

Ka kangning e profet lawk

¹⁶ Bangkongtetpawiteh, kaimouh teh maimae Bawipa Jisuh Khrih e bahu hoi a tho nahane nangmouh koe ka pâpho awh e hah dумыennaе lairuiapakong hoi ka pâpho awh hoeh. Kaimouh teh Bawipa amae lentoenaе hah kamamouh roeroe ni ka hmu awh toe.

¹⁷ Bangkongtetpawiteh, Pa Cathut koehoi e barinae hoi bawilennaе teh Bawipa ni a pang e lah hmu navah, ka talue poung e bawilennaе thung hoiyah, ahni teh kai ni ka lungpataw e ka Capa doeh, ahni dawк ka lung akuep tie lawk hah Bawipa koe hoi a daw.

¹⁸ Kaimanaw teh kathoungpounge mon dawк Bawipa hoi rei ka o awh navah kalvan hoi ka tho e hote lawk teh ka thai awh.

¹⁹ Hothloilah, maimouh koe hoe Kacake profet lawknaw hai ao. Nangmae lungthin thungvah khodai teh, amom tempalo a tâco ditouh hote lawk teh hmonae koe ka ang e hmaiim patetlah na pouk awh hanelah ao.

²⁰ Cakathoung dawк kaawm e sutdeilawknaw pueng teh, tami buet touh ni amae a ngainaе lahoi a pâpho e nahoehtie hmaloe panue hanlah a o.

²¹ Bangkongtetpawiteh, nâtuek hai sutdeilawк teh tami ngainaе lahoi ka tâcawt e nahoehtie. Kathoung Muitha hroecoenaе ka coe pueng

niteh, Cathut koehoi ka tho e lawk kapâphokung lah doeh ao awh.

2

Kacangkhaikung kaphawknaw lawkcengnae

¹ Hatei, profetkaphawknaw teh Judahnaw thung hoi a tâco e patetlah nangmouh thung hoi hai saya kaphawknaw a tâco van han. Ahnimouh ni kamkonae koe kaphatkhai e tawm payonnae arulahi thokhai awh vaiteh, na karatangkung Bawipa patenghai pahnawt awh vaiteh, amamae lathueng karang poungh lah rawknae a pha sak han.

² Tami moikapap nihai, ahnimae hnopai lungradueknae hnukkâbang awh vaiteh, lawkkatang lamthung teh ahnimouh kecu dudam e lah kaawm han.

³ Ahnimouh ni hounlounnae, pasawtpanepnae lawk hoi nangmouh na yo awh han. Ahnimouh lawkcengnae teh ayan hoi hnawng hoeh. Ahnimae kamkonae haiyah ngâm boihoeh.

⁴ Bangkongtetpawiteh, Cathut ni ka payon e kalvantami hah pasainae tawn hoeh. Hell hmai adungpoungnae koe hmonae sumbawtarui hoi a katek teh lawkceng hanelah a hruek toe.

⁵ Ayan e talaivan hai pasai laipalah, lannaeh phung ka dei e Noah hoi tami sari touh e naw hah a hlout sak teh cathutlaipa e talai taminaw pueng teh tuikamuem hoi koungh a raphoe.

⁶ Hothloilah Sawdom hoi Gomorrah khopui hah lawk a ceng teh hrabalah mueng a yawng sak teh, cathutlaipa e taminaw ni khetsin hanelah sut ao.

⁷ Hatnavah, kâcakuepnae kaawm hoeh e taminaw e hounlounnae lahoi khosaknae ni rektap lah kaawm e tamikalan Lot hah a rungngang.

⁸ Hote tamikalan teh, ahnimouh koe kho a sak navah, ahnimae kâlawklaipa hringnae hoi tawksaknae hnintangkuem a hmu teh a thainae ni a lannae lungthin hah puenghoi a rektap pouh.

⁹ Hatdawkvah, cathutlae taminaw hah tacueknae daw k hoi rasa hanelah thoseh, tamikalan hoeh e naw lawkcengnae hnin daw k reknae khang sak hanelah hruék hane hai thoseh a panue e lah ao.

¹⁰ Alawkpui lah ka khin e hounlounnae lahoi takngainae hnukkâbang teh, kâtawnnae kadudamnaw hah hottelah a hruék han.

¹¹ Ahnimouh hlak thao thasainae hoi bahu kaawm e kalvantami ni patenghai yah, Cathut hmalah lawkcengnae sak aw h hoeh.

¹² Hatei, ahnimanaw hah man vaiteh, be thei hane moithangnaw patetlah ao aw h teh amamouh ni a thai panuek hoeh e hah a dudam aw h. Ahnimouh teh moithangnaw kahmakata e patetlah a kahmakata aw h vaiteh, amamae lanhoehnae phu teh a khang aw h han.

¹³ Khodai patenghai yah canei hounloun e heh nawmnae lah a pouk aw h teh, nangmouh hoi rei canei aw h navah amamae dумыennaе daw k a nawm aw h teh nangmouh hanlah min mathoenaе lah ao aw h.

¹⁴ Ahnimae mit teh uicuk ngainae hoi akawi daw kvah yon sak laipalah aw m ngai aw h hoeh. A lung kacakhoehe taminaw hah yonnae koe lah

a tacuek awh teh, hounlounnae dawk a phunep awh toung dawkvah, thoebo e canu capa lah ao awh.

¹⁵ Ahnimouh teh, lam kalan hah a pahnawt awh teh, lam a payon awh toung dawkvah, lan-hoehnae kutphu lungpataw e Beor capa Balaam e lamthung a dawn awh.

¹⁶ Hatei, Balaam teh amae a payonnae dawk yue e lah ao. Lawk ka dei thai hoeh e la ni tami lawk lahoi a dei teh hote profet e pathunae hah a ngang.

¹⁷ Ahnimanaw teh tui kahak e tuikhu, kahlî ni a palek e tâmai patetlah doeh ao awh. Ahnimouh hanelah yungyoe hmonae a hruek pouh toe.

¹⁸ Bangkongtetpawiteh, ahnimouh ni lawk pacawt lahoi a kâoup awh teh, tami kahaw-ihoehnaw thung hringnae koehoi nuengnueng kahlout e naw hah takngainae, hounlounnae hoi a dumyen awh.

¹⁹ Ahnimouh ni hote taminaw hah hlout-nae na poe awh han atipouh awh nahlangva vah, amamouh rawknae san lah ao awh. Bangkongtetpawiteh, tami katâ e teh tami e bawi lah ao.

²⁰ Maimae Bawipa hoi rungngangkung Jisuh Khrih panuenae lahoi talaivan khinnae dawk hoi hlout awh hnukkhu, hote hnonaw dawk bout kâaman awh pawiteh, ahmaloe e hlak a hnukkhu e hoe a mathoe.

²¹ Bangkongtetpawiteh, lannae lamthung panue nahlangva, maimouh koe na poe e kathounge kâpoelawk hah hnamthun takhai hlak teh hote hah panuek laipalah awm pawiteh ahnimouh hanlah bet ahawihnawn.

²² Ui ni a palo bout a ca, tui pâhluuk tangcoung e vok ni tangkan bout a kâkaawk tie cingthuilawk hah hot patet e taminaw koe akuep.

3

Bawipa e hnin

¹ Ka lungpataw e naw: nangmouh koe hete apâhni e ca hah bout na patawn awh. Kai ni hete ca kahni touh hoi nangmanaw na kâhruetcuet nahanelah nangmae kathounge lungthin hah ka pâhlaw teh a thahmei sak.

² Hethateh, kathounge profetnaw ni a dei tangcoung e thoseh, gunceinaw koehoi patuen na pang awh e Bawi hoi rungngangkung lah kaawm e kâpoelawknaw thoseh, nangmanaw ni let bouk na pouk awh nahane doeh.

³ Ahmaloe poug lah na panue awh hane teh, tami ka dudam e teh a hnukteng e hnin nah dudam nalaihoi tâcawt vaiteh, amae takngai e patetlah a cei awh vaiteh,

⁴ Jisuh tho nahane hnin hoi kâkuen e lawkkamnaw teh nâmaw a o, mintoenaw a due hnin hoiyah a cawngca pueng kamtawng koe e patetlah nahoehmaw pou ao awh heh vaw telah a dei awh han.

⁵ Bangkongtetpawiteh, Cathut lawk lahoi kalvannaw teh ayan hoi ka la awm niteh, talai haiyah tui lahoi tui thung hoi a kamnue toe.

⁶ Hatnavah, talaivan teh tui ni muen a khu teh, tui lahoi a rawk tie teh khoeroe pahnim hanelah a ngai awh.

⁷ Atu kaawm e kalvannaw hoi talai teh hote lawk lahoi yah, hmaisawi hanelah sut hruek lah

ao teh, cathutlaipa e taminaw e kamkonae hoi lawkcengnae hnin totouh la rouk e lah ao toe.

⁸ Hatei, ka lungpataw e naw: Cathut hanelah teh hnin touh heh kum 1,000 touh e patetlah kum 1,000 touh e heh hnin touh e patetlah ao tie hah pahnim aw hah.

⁹ A hnawng pounng telah tami tangawn ni pouk e patetlah Cathut teh a lawkkam daw k hnawng hoeh. Apihai rawk laipalah, tami pueng ni yon pankângai aw hah nahanlah a ngainae ao dawkvah, maimae lathueng a lungsawnae doeh.

¹⁰ Hateiteh, Bawipa e hnin teh, tamru a tho e patetlah a tho han. Hote hnin toteh kalvannaw teh cairing lahoi a kahma aw hah han. Talai teh kân lawi a tui lah dui a lawng han. Talai hoi talai van e hno sak puengpa hai a kak aw hah han.

¹¹ Hete hnoung pueng teh be raphoe lah ao han dawkvah, nangmanaw teh bangpatetlae tami lah maw na o kaw i vaw. Nangmouh teh kathoung hringnae hoi cathutlae hringnae daw k khosak aw hah nateh,

¹² Cathut e hnin hah ngaihawi laihoi, hote hnin phanae hah rang sak hanelah ao. Hot hnin a pha toteh kalvannaw teh ngeng kang vaiteh a kamko han. Talai hai kabet pounng e kahû hoi atui lah a kamyawt han.

¹³ Hatei, maimouh teh Bawipa amae lawkkam patetlah lanna e aonae koe kalvan katha hoi talai katha ngaihawi aw hah.

Pâpoutnae

¹⁴ Hatdawkvah, ka lungpataw e naw: nangmouh teh hotnaw hah na ngaihawi awh dawkvah, tounhoehe tami, ka khinhoehe tami patetlah Bawipa hmalah roumnae hmu awh nahan kâyawm awh sei.

¹⁵ Maimouh ni lungpataw e Pawl nihai, ahni koevah a poe e lungangnae hoi, nangmouh koe a thut e patetlah maimae Bawipa a lungsawnae hah rungngangnae coe awh nahane doeh telah pouk awh.

¹⁶ Ahni ni alouke canaw dawkhai hete akongnaw hoi kâkuen lah a dei. Hote canaw thung dawkvah, thai panuek han ka ru e youn touh ao. Panuenae kayoun niteh a lung kacakhoehe taminaw teh alouke Ca Kathoungnaw dawkhai amamouh ngainae koe a sawn awh teh, amamouh rawknae koe a pha sak awh.

¹⁷ Hatdawkvah ka lungpataw e naw: nangmouh ni hetnaw teh sut na panue awh toung dawkvah, kadumyennaw e lamthung dawkhai laipalah, mamae lungcaknae hah pahma awh hoeh nahan mahoima kâkhenyawn awh sei.

¹⁸ Maimae Bawi hoi rungngangkung Jisuh Khrih lungmanae dawkhai thoseh, Bawipa panuenae dawkhai thoseh, rounghai. Atu hoi a yungyoe e hnin totouh Bawipa koe bawilennae awh lawiseh. Amen.

Thai Phum Holy Bible

The Holy Bible in the Thaiphum Chin language of Myanmar

Copyright © 2020 Batupuei Christian Fellowship

Language: Thai Phum (Chin, Thaiphum)

Translation by: Batupuei Christian Fellowship

copyright only valid in Myanmar; Public Domain elsewhere

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2024-05-01

PDF generated using Haiola and XeLaTeX on 15 May 2025 from source files dated 15 May 2025

84c7fe95-3b68-5ab6-b17e-a642d33ac078